


Mikroenpresek Euskal AEko enpresa ondarearen %43,2 kontzentratzen dute

2011n euskal enpresen zorpetzea gutxitu, tinkotasun-ratioa handitu eta errentagarritasuna jaitsi egin da

10 langile baino gutxiagoko enpresek –mikroenpresek- aktiboen %43,2 kontzentratu eta langile okupatuen %42,9 enplegatzen zituzten 2011n Euskal AEn, Eustaten datuen arabera. Enpresa txikiek (10-49 langile) aktiboen %20,6 eta langile okupatuen %24,7. Enpresa ertainek (50-249 langile) aktiboen %17,3 eta langile okupatuen %20,5. Enpresa handiek segitzen dute izaten intentsiboenak kapitalean; enplegatuen %11,8 eta ekonomiaren aktibo guztien %18,9.

2011n Euskal AEko enpresa ez-finantzarioen ondare zenbatetsia %0,6 hazi da aurreko urtearen aldean, guztira 205.468 milioi.

1. grafikoa. Euskal AEko ez-finantzazko enpresen aktiboa eta pasiboa 2011




Iturria: Eustat. Ez-finantzazko enpresen ondare-kontuak (EFEOK)

Aktibo korrontearen eta Pasibo korrontearen arteko aldea –**Maniobra Funtsa**- positiboa da, 26.854 milioi (aktibo guztiaren %13); 2010ekoa baino %8,2 txikiagoa. Honek esan nahi du epe motzeko zorrei (epe motzerako galdagarria) aurre egiteko behar adina baliabide sortzen direla, baina aurreko urtean baino gutxiago.

Euskal enpresen **ekonomia eta finantzetako beste ratio batzuk** aztertuta, ikusten da zorpetzeak eta finantza-egiturak hobera egin dutela, eta txarrera errentagarritasunak.

Zorpetze-ratio osoak agerian jartzen du besteren funtsen eta baliabide guztien arteko harremana; Euskal AEn %54,6 da. Aktiboaren erdia pasa besteren baliabideekin finantzatuta dagoela erakusten du. 2008tik ehuneko 6,1 puntuz gutxitu da, eta 1,9 puntuz aurreko urtearen aldean. 10-49 langiledun enpresek dute zorpetze-ratiorik handiena 2011n (%56,8), aldian aldakuntza handirik ez dagoela. Gainerako enpresen zorpetzeak hobera egin du nabarmen: mikroenpresena ehuneko 11,5 puntuz gutxitu da 2008tik. Sektore handietan, eraikuntzaren zorpetze-ratioa %62,2 da 2011n, industriarena %54 eta merkatuko zerbitzuena %52,8. Ostalaritza nabarmentzen da, izan ere %75,2ko zorpetzea du.

2. grafikoa. Enplegu-geruzen araberako zorpetze guztiaren ratio-bilakaera. Euskal AE (%)



Fuente: Eustat. Cuentas patrimoniales de las empresas no financieras (CPENF)

Finantza-autonomiaren ratioak enpresaren hirugarrenetikiko finantza-menpekotasuna neurtzen du (ondare garbiaren eta gainerako pasiboen arteko erlazioa); 2010ean baino 6,1 puntu handiagoa da, %83,2. Autonomía honen ratioa %60,8 da eraikuntzan, %85,2 industrian eta %89,3 zerbitzuetan.

Tinkotasun ratioak aditzera ematen digu enpresen bermea hartzekodunen aurrean epe luzean; %227,4 zen 2011n. Eraikuntzan %123,2; industrian %251,7; merkatuko zerbitzuetan %239,5; aurreko urtearen aldean eta enpresa guztiak hartuz, ehuneko 14,4 puntuz egin du hobera.

Errentagarritasun-ratioak aztertuta (errentagarritasun ekonomikoa, finantzarioa, palanka-efektu finantzarioa) 4 industria-sektore nabarmentzen dira, aurreko urtearen aldean errentagarritasun-maila hobeak dituztenak. Zura, papera eta arte grafikoak, Metalurgia eta metalezko produktuak, Makineria eta ekipoa, Energia elektrikoa, gasa eta lurruna.

Errentagarritasun ekonomikoaren ratioa %3,1 da 2011n; haien aktibo guztien gainean enpresek lortzen duten batez besteko etekinaren berri ematen du. Ratio honen bilakaera negatiboa izan da enpresa-multzoarentzat, 2008ko %5,8tik 2011ko %3,1era. 2010aren aldean ehuneko 8 hamarren gutxiago. Enpresa handienek daukate errentagarritasun-ratiorik handiena, %3,5. Sektoreen artean Ostalaritzak bakarrik du errentagarritasun-ratio negatiboa, %-1,4.

Finantza-errentagarritasunak esaten digu zein izan den enpresaren batez besteko errentagarritasuna, haren jardueraren bidez, ondare garbitik abiatutik; 2011n %3,9, aurreko urtean baino ehuneko bi puntu gutxiago.

3. grafikoa. Errentagarritasun ekonomikoaren ratioaren bilakaera enplegu-geruzen arabera. Euskal AE (%)



Iturria: Eustat. Ez-finantzazko enpresen ondare-kontuak (EFEOK)

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.es Tel.: 945 01 75 62

[Enpresa Ez-finantzarioen Ondare-kontuari \(EEFOK\) buruzko prentsa-ohar gehiago](#)

[Enpresa Ez-finantzarioen Ondare-kontuaren datu-bankua](#)